

2 D. B. V.
DISSERTATIO INAUGVRALIS
DE
MERCATORE
FALSO CENSVM PRO-
FITENTE

Quam
DIVINA FAVENTE GRATIA
DECRETO ET AVCTORITATE
MAGNIFICI ICC. ORDINIS
IN ILLVSTRI SALANA
PRAESIDE

IO. PHILIP. SLEVOGTIO

IC. CONS. SAXON. ET ANTECESSORE
FACVLTATIS IVRIDICAE ET SCABINATVS SENIORE
ITEMQVE CVRIAE PROVINCIALIS ADSESSORE

PATRONO SVO HONORATISSIMO

PRO LICENTIA

SVM MOS IN VTROQVE IVRE HONORES ET PRIVILEGI
rite capeßendi

IN AVDITORIO IVRIDICO

Solenni eruditorum examini horis ante & pomeridianis submitte

CHRISTIANVS CHRISTOPH. DIMPFELIVS
RATISP.

Ad. D. NOVEMBR. M DCC I.

Litteris JO. ADOLPHI MVLLERI.



DISSERTATIO IN AVOGADRO

DE

IN AVOGADRO
IN AVOGADRO
IN AVOGADRO

IN AVOGADRO
IN AVOGADRO
IN AVOGADRO
IN AVOGADRO

IN AVOGADRO

IN AVOGADRO

IN AVOGADRO

IN AVOGADRO

IN AVOGADRO

IN AVOGADRO

IN AVOGADRO

IN AVOGADRO

IN AVOGADRO

IN AVOGADRO

IN AVOGADRO



B. C. D.



IX supremam manum impolueram
dissertationi meæ De rigore iuris,
ductu Guilielmi Marani, ante-
cessoris Tolosani celeberrimi, in
comment. duobus de *equitate*
sue iustitiæ elaboratæ, cum, ne-
scio quo fato, nobilissimus atque
consultissimus vir GEORGIUS

SCHVBARTVS Eloqu. & Hist. P. P. inopinatâ morte
mihi heu! eriperetur: sub cuius præsidio illam publicare,
anictus erat. Ex illo tempore a me impetrare non po-
tui, ut laborem istum lima perpolirem, ob nimium do-
lorem, quem ex obitu tantæ Viri, præceptorisque mei fe-
re per quinquennium fidelissimi contraxeram. De alia
igitur materia mecum inire consilium cepi, cum mihi
insu & auctoritate Illustris Facultatis iuridicæ, pro summis
in utroque iure honoribus ac privilegiis rite consequen-
dis, incumberet publicum studiorum meorum edere
specimen. Occurrebant quamplurima explicatione
non adeo indigna. Verum enim est, quod Baldus in pro-

legum ad decret. scribit : *tantum adhuc restat operis, ut etiam post mille secula nato occasio aliquid inveniendi, aut inuentis aliquid adiciendi de futura non sit.* Attamen curam non leuem adhibere debemus, ne in rem, quæ nihil momenti, nihil vtilitatis adferre hodie possit, aliquid operæ aut temporis infumamus : sed potius Imperatorem nostrum imitemur, qui se nihil inutile, nihil perperam, sed quod in ipsis rerum obtinet argumentis posuisse affirmat. *proem. Insit. §. 3.* Cumque nonnullis in locis obseruetur moribus, ut mercatores omnia bona sua proficiantur. *Quo neglecto aut ipsis viuis, aut si post mortem illorum appareat, quod candide hoc non fecerint, benedictibus residuum eripitur,* placuit exercitui gratia, hanc rem paulo luculentiori stylo tractare. Equidem profiteor me huius materiæ dignitati, difficultati que impari, ingeniumque requiri ad hoc opus absolendum & maiori rerum cognitione & longa experientia subactum : nihilominus tamen aliquid audendum est, secundum illud tritum, qui nunquam male, nunquam bene. Veniam igitur facilem me abs te B. L. impetraturum spero, si in hisce erratum, aut quid parum accurate positum fuerit. Verum ut eo felicius labor noster procedat, diuinum imploramus auxilium, in cuius nomine ad omnia consilia, omnesque actus semper progredimur.

35 (1) 36
CAPVT I.

§. I.



Apienter diuinus Plato monuit, quod
 ἡ ἀρετὴ τῶν ἀγαθῶν διδασκαλικὸν καὶ δια-
 κριτικὸν τῆς ἡσίας, ὡς περὶ τοῦ Φάσμα-
 τος : & Imperator in l. 1 ff. pr. de
 Iust. & Iur. quod cuiuscunque voca-
 buli euolutionis, ac distinctæ accepti-
 onis merito prior sit habenda ratio. Id-
 circo non male me facturum arbitror, si pro consuetudi-
 ne recepta pauca quoque de vocum origine, variaque si-
 gnificatione, quæ in inscriptione dissertationis nostræ
 occurrunt, præmisero. Quod enim consuetum, est ne-
 cessarium, & consuetudo ceu vltus practicus ad vnguem
 obseruandus. Bald. in l. quicunque 4 n. 18 C. de seru. fu-
 git. Philippi in Vt. pract. ecl. 25 lib. 1 n. 11.

§. II.

Mercator vnde adpelleretur, omnibus patet : quare
 etiam nec opus erit, vt multa de eo dicam, secundum A-
 ristot. lib. 2 Rhet. monitum, nugatorium dicere manife-
 sta. Scilicet mercator, denominatur non a merce, vti
 quidem vult Scaccia de commerc. §. 1 quæst. 1 num. 11, sed
 a verbo *mercari*, quod est lucri causa mercaturam exer-
 cere, vel etiam simpliciter emere : sunt enim hi, qui res
 emunt, quas in eadem specie carius vendant Alciat. in
 Com. ad tit. ff. de V. S. l. 66 n. 2. Klockius lib. 2 cap. 25 §. 1
 de arario adducit aliam derivationem nominis, & dicit
 mercaturam, ac sic per consequentiam etiam mercato-

rem, nomen habere a *merendo*, quod est vocabulum virtutis, qui illam accusat, videtur virtutem accusare, quæ omni caret turpitudine, & vinculum est arctissimæ coniunctionis inter homines.

§. III.

Quemadmodum vero plurima vocabula ob vocum penuriam diuersas habent significationes: quippe natura rerum ita comparata est, vt plura sint negotia, quam vocabula, l. 4 ff. de P. V. & Seneca lib. 2 de benef. cap. 34 est, inquit, ingens copia rerum sine nomine, quas non propriis adpellationibus notamus, sed aliunde commodatis. Ita quoque mercatoris vox vel sumitur late, & comprehendit *lenones*, quos Pollux inter mercatores, & Imperator quoque in l. vn. Cod. de lib. lat. toll. §. 4 refert verbis hiis: qui enim ita demum degener & impius constitutus est, vt talem exerceat mercationem, quomodo dignus est, vel ancillam vel libertam eam habere? hos tamen nomine sine causa Lauterb. in diss. de iure in curia mercat. vñt. 10 §. 10 negat mercatores esse. 2) *Vsuarios* dicunt quoque esse mercatores. Ita enim Stracha p. 1 num. 27 dicit, hanc mercaturam dici posse, sed illicitam. At negativa verior per l. *quisitum* 12 §. idem de fund. instr. vbi mercator & fenerator, vt diuersa ponuntur. Sed clarior adhuc res patet ex lege cuiusque §. Labbeo 4 ff. de inst. act. vbi dicitur, si quis feneratoris, agris colendis, mercaturis, redempturiisque faciendis preposuerit, in solidum eum teneri. 3) *locatores equorum* mercatorum nomine veniunt in l. *legatis seruus* 65 de leg. 3, & Baldo aliisque compluribus; quos tamen Lauterb. in cit. disp. §. 91 re-
futat.

§. IV.

Vereor, ne nimis longus forem, si varias species recensere vellem, quibus mercatoris vocabulum tribuitur. Vid. Laüterb. *dict. disp.* ubi exponit aliquot thesibus, qui mercatores dici possint, nec ne. Sufficiat, quod stricte accipitur pro illo, qui mercaturam licitam & honestam exercet, merces emendo & vendendo magna copia exteris, atque interdum cum auersione. Et in hac significatione nobis heio venit.

Dicuntur alio nomine *negotiatores*, vocabulo late accepto; alias negotiator & mereator differunt. Mercatores enim dicuntur, qui, cum Romæ domicilium haberent, interdum tamen exportandarum vel importandarum mercium causa in provincias ad aliquod tempus excurrerant. Negotiatores vero ciues quidem erant Romani, sed in provinciis sedem fortunarum suarum constituerant: sic ut raro in urbem, nec fere nisi censendi causa redirent, quales erant aratores, pecuarii, argentarii. Cicero in *Verrina*. 3. *Ciues, inquit, habent propinquam fructuosamque provinciam, quo facile excurrant, ubi libenter negotium gerant; quos illa partim mercibus suppeditandis cum questu compendioque dimittit, partim retinet, ut arare, ut pascere, ut negotiari libeat, ut denique sedes ac domicilium ponere.* Moribus nostris videtur hæc differentia nullius esse momenti ob mutatam reipublicæ formam. Nihilominus tamen aliqua adhuc est differentia inter mercatores ipsos, et illi, qui in ciuitatibus, siue illæ sint liberæ, siue municipales etiam, in apertis tabernis merces vendunt; Die eine offene Hande

Handlung haben/und die Waaren verschneiden / dicantur mercatores, illi vero, qui clausis tabernis in distans & remotissimas terras negotiationem exercent die eine zugethane Handlung führen / und mit ganzen Waaren handeln sint negotiatores potius. Et talem intelligimus, dum de mercatore nobis sermo est, quia & is mercator suo modo dici potest. Plus enim est negotiari, & latius patet quam mercari. Scaccia *de commerc. §. 1 quest. 1 num. 10.* Vocantur mercatores etiam *mercurii* sue *mercuriales*. Marquard. *de iure mercat. lib. 1 cap. 1 num. 43.*

§. XLII. De mercatore

Quis igitur de iure dicitur mercator? Bartolus *in l. legatis ff. de legat. 3* quem & alii ibi sequuntur, ait, illos dici mercatores, qui quaestuariam negotiationem faciunt, intelligendo tamen de illis, qui non vnicum actum mercandi exercent, sed assidue mercantur & mandinantur: quia verbalia alicuius officii significativa, ut mercator, hospitator, uno actu non verificantur, sed requirunt assiduitatem: vid. tamen exceptionem apud Bentachinum *de gabellis p. 6 §. 22 num. 42.* Chassan. *in consuetud. Burgund. rubr. 4 §. 1* quinque copulatiue requirit, ut quis dicatur mercator, quæ late examinat Petrus Foller. *in addit. ad Marant. speculum aur. p. 4 dist. 9 num. 59. 1*) quod sit descriptus in matriculam mercatorum 2) exerceat artem 3) maiorem partem fortunarum quis habeat in negotiatione 4) per se ipsum, non per factores 5) non vnicum actum sed plures mercandi exerceat. Verum alii Dd. quos vid. apud Foller. d. l. tertium & quartum requisitum recte relinquit. Sed neque primum semper locum habet. Licet enim hoc de illis locis facile concesserim, ubi mercatores

tores sua collegia habent, & in iis matriculas, quibus inferuntur nomina mercantium, veluti in plerisque Germaniz ciuitatibus Anseaticis & maritimis id obseruatur, quo introducto requisitum est necessarium, ad id genus mercimonii neminem admitti nisi nomen ibi profiteatur, & recipiatur. Sunt tamen complures aliz ciuitates, in quibus talia collegia recepta non sunt, sed libera est mercandi licentia; & tamen merito mercatores dicuntur. Vid. Meuius *ad l. Lub. p. 3 tit. 6 art. 21 p. m. 149 num. 11 seqq.* Ex consuetudine igitur res est æstimanda. De quinto vid. Bertachin. *cit. loc.*

§. VII.

Census a censendo dictus siue æstimando Faust. *de arar. class. 1 conf. XI, ord. XI*, varias recipit significaciones. Census dicitur *tributum*, quod fundus præstat. Est enim onus agrorum, non personarum. Gothofred. *in rubr. ad tit. Cod. sine cens. vel reliq. fund. compar. non posse*: tributum in caput, *capitatio*; tributum in solum vel agros *census* vocatur: quod a Platone *lib. XII de rep.* probatur, qui ex censu cuiusque & annuis redditibus tributa indicenda ait. 2) Census nomine *substantia, bona, fortunaque* comprehenduntur. Cic. *orat. pro Q. Roscio*. 3) Census denotat *pensionem*, quæ pro prouentibus soluitur. gl. *inc. 1 de res. in integr.* 4) Pro rerum personarumque *descriptione* accipitur l. 2 §. post deinde. ff. de O. I. Et est nihil aliud, quam publica patrimonii singularium ciuium descriptio & æstimatio. Græcis *νῦνμα* æstimatio, vel *Συναψη*, descriptio. Germanice *Schätzung*. Ita Theophilus *in Paraphrasi* §. *Et dedititios. tit. de libert. censum* dixit descriptionem patrimonii, continens pro con-

sento, & causam his verbis κένος ἢ σὺν ἡ τοῦ χαρτῆς, εἰ-
 θα Ῥωμαῖοι ἀπαχράθοντο τὰς οἰκίας ὑφ' ὧν, ὅτι τὰ ἐκ κατ-
 ῶν πόλεως κατὰ τὸ μέγεθος τῆς ἰδίας ὑποστάσεως ἔκαστος εἰσφέρει
 ρην i. e. census significat tabulam aut chartam, in qua
 Romani facultates suas conscribebant, ut belli tempore
 pro modo patrimonii sui, unusquisque conferret.

§. VIII.

Instituit censum primus Servius Tullus, sextus Ro-
 manorum Rex. Ita enim Livius lib. 2, c. 2, sum, inquit, in-
 stituit Servius, rem saluberrimam tanto futuro imperio,
 ex quo belli pacisque munia non viritum ut ante, sed pro
 habitu pecuniarum fierent. Tunc classes centuriisque &
 hunc ordinem ex censu descripsit vel paci decorum vel bel-
 lo. Cum enim compendia & tributa, die Steuren iuxta
 normam æqualitatis exigere oporteat: æquitas autem po-
 tissimum ex proportionem bonorum consideranda & pon-
 deranda sit: at proportio inuestigari nequeat, nisi sin-
 gula bona excutiantur, inquirantur, & æstimentur, id-
 circo instrumentum adinuentum fuit census, quo singu-
 lorum civium patrimonia æstimentur, & censcantur, qui
 nihil aliud est, quam æstimatio & designatio bonorum
 singularium civium publice facta. Festus in verbo cen-
 sores. Est enim censere æstimare, & census æstimatio
 bonorum, quod tanti quisque res suas æstimaret, quan-
 ti censores censuissent. Nam professio bonorum a pri-
 vatis subsignabatur, & ad ærarium deferrebat. Bod. lib.
 VI. de rep. r. Hæc eadem causa est, cur census pro con-
 signatione siue tabulis publicis usurpetur in l. census 10. ff.
 de probat. & præsumt.

Forma habetur in l. 4. *D. de cens.* Hodie etsi res sit immutata, nec amplius sint constituti censores, qui bona subditorum censeant, neque etiam requiratur ut subditi in scriptis profiteantur bona sua, nihilo minus tamen certæ sunt a magistratu denominatæ & publica auctoritate munitæ personæ, apud quas ciues oretenus tam res immobiles, *liegende Gründe/ oder Hauß und Hoff/* quam mobiles, *Fahenß und Paarschafft/* nomina quoque & actiones profiteri coguntur, idque vel sine iuramento & simpliciter, vel mediante iuramento, *geschworne Steuer:* ubi sufficit, si quis rem æstimet pretio communi, etiamsi eam propter suum affectum ita vendere nolit. *l. pretia 63 ad L. Falcid.* Hæc omnia deinceps in librum censualem referuntur, qui vulgo dicitur æstimum seu catastum, barbare tamen, uti notat Alciat. *reg. 1 presunt. 10* & in l. *in suis ff. de lib. & posthum.* pro quo Vlpian. in l. *forma §. si cum ego ff. de cens.* professionem dixit. Status imperij vocant matriculam. Nôs *Saalbuch/* cuius etymon a Francico idiomate *sale* siue *Saal* h. e. aulam, deducit Christ. Besoldus l. 1. *de success. regn. diff. 11 num. 6,* seu *Anlags-Steuer- oder Einlag-Register* dicimus. Qui modus contribuendi censui similis, eiusque species est.

Meuius *ad I. L. P. 2 tit. 3 art. 2 num. 10*

in fin.

AS (n) SE
CAPVT II.

§. I.



Ed quæritur, num mercatores onera ferre, cogantur eodem modo, quo reliqui, qui eandem ciuitatem incolunt, mercatores tamen non sunt: & num non solum res immobiles, sed etiam mobiles, & actiones, sibi competentes aduersus externos, cum quibus negotiantur, indicare sint obstricti, censumque pro iisdem soluere debeant: an vero privilegio aliquo gaudeant hac in parte? Inuenimus enim multa singularia, in iure ciuili in fauorem mercaturæ alias introducta. Lauterb. *Vol. 1. differt. de iure in curia merc. vlt. §. 30.*

§. II.

De rebus quidem immobilibus, & quæ per fictionem iuris pro talibus habentur, vix dubium aliquod suboriri cuiquam poterit, quo minus eas eodem modo profiteantur, quam reliqui suas: nam quæ diuersitatis ratio possit dari, nullus video. Tam securi, tam quieti illi eas possidere possunt, ac cæteri ciues facultates suas tenent: nemo vel auferre, vel detrimentum aliquod iisdem inferre valet, si modo diligentiam ac curam adhibere velint, quæ bonis patribus familias conuenit. Deinde nec vlla difficultas occurrit in illarum æstimatione: quippe pretium vnum fere est semper, idemque, aut saltem non adeo incertum & instabile, prout interdum in aliis rebus. Hinc vnusquisque sine vlllo negotio eiusmodi possessionum valorem potest inquirere, & quant-

titatem illarum magistratui indicare. Quæ ratio quod
etiam in mercatore locum habeat, nemo non videt.
Circa res mobiles vero, mercesque, vt & actiones aduer-
sus debitores competentes, non leuia occurrunt argu-
menta, quæ in diuersas animum abripere partes pos-
sunt. Quare etiam Doctores & interpretes iuris graui-
ter inter se dissentiunt, aliis aliam fouentibus & defen-
dentibus opinionem. Sub iudice igitur lis adhuc est.
Operæ tamen pretium erit heic allegare illorum senten-
tias, qui mercatores ab eiusmodi onere aut ex parte
aut ex toto liberos esse volunt.

§. III.

Sunt nonnulli, qui quidem in professione bonorum
nihil mercatoribus heic permittunt: attamen hoc sta-
tuunt, quod non tantum debeant soluere pro iisdem,
quantum reliqui ciues. Supra iam percipimus, quod
tributa indicenda sint pro viribus singulorum l. f. C. de
præd. detur. sine decres. non alien. lib. 10. l. omnes 7 C. de
oper. publ. inque huius muneris necessitate vnum locum
præ alio ultra debitam grauari non debere hactores 4, v-
bi Bart. & Bald. C. de exact. tribut. lib. 10 l. 1. vbi Bart. &
Dd. C. de indict. lib. 10. Quare concludit Thomas de
collect. in princ. num. 2 & 4, & §. retenta. nu. 2, §. subiiciunt.
n. 7, quod omnes inter subditos a summo ad infimum æ-
qualiter collecta sit distribuenda, & quod in ea seruati
debeat exacta æqualitas: & ab omnibus subditis, pro mō-
do fortunarum hac onera æqualiter subeunda, quo facilius
ex ipsa æqualitate publicis officiis pareatur: &
quandam heic agitur de publica utilitate, æqua-
debet esse inspectio.

Æqualitas vero ista pro-
B 3 gor-

portione Geometrica, non Arithmetica dimetienda, vt vere iustitiæ distributiæ locus sit. Est autem geometrica proportio cum tam in rebus, quam in personis, circumstantiarum gradus dimerimur, adeo vt numerorum collatione vel calculo neglecto, similitudinem tantum & proportionum æqualitatem retineamus: Arithmetica vero contra, vbi circumstantiis non perpenfis, tantum numeri habetur ratio. B.g. ex singulis terræ iugeribus singulos nummos exigere, ab arithmetica proportione venit: quia iugera tantum numerantur, nullo terrarum vel soli, habito discrimine. Quod vero in primis habendum est, vt Geometricæ proportioni locus sit, scil. considerari debet, quæ terræ fertiliores, quæ aridiores, quæ propinquiores, quæ remotiores sint, quæ citius vel serius fructus ferre possint aut soleant: vt vno ad aliud compensato, huic remitti, intendi illi tributa, æqualiter possint. Alioquin Arithmetica proportione dimetiens, vbi æqualitati se studere putauerit, ibi inæqualitatem maximam, & sic iniustitiam admitteret. Klock. *de arario lib. 2 cap. 80 num. 29 seqq.*

§. IV.

Non iam coaceruatis allegatis demonstrabo, quod magnum sit discrimen inter mercatores, & illum qui mercaturam non exercet. Non commemorabo, quod hi semper domi hæreant, nec pedem extra limites patriæ proferant: summa gaudeant tranquillitate & fruuntur maxima securitate, nullis sint expositi periculis, nisi quibus fortassis tota illorum patria est obiecta. At illis in patria diu restare non concessum est: sed plerumque absunt; quæ illorum absentia adeo honesta reputa-

putatur, ut Imperator in l. 5. § 3. ff. de iur. immunit. nullus dubitauerit afficere, illos Reipubl. causa abesse, dum annona urbis seruiunt. Quæ lex non tantum eos comprehendit, qui annonæ urbis deseruiunt, sed & ceteros, qui maiorem substantiæ partem in nauiculariam aut mercaturam exercendam conqulerunt. Vjd. Marquard. de iure merc. l. 1. cap. 4. num. 58. in fin. Vere Poeta canit Impiger extremos currit mercator ad Indos, per mare pauperiem fugiens per saxa, per ignes. Horat. l. 1. epist. 1. Eleganter certe miseram mercatorum describit conditionem, & ostendit, quanta felicitate gaudeant alii. Marquardus lib. 1. cap. 4. num. 4. Si mercatorum scribit ille, molestias & infinita pericula, quæ illi coguntur subire paulo penitus introspectamus, quis non eos præstius & immunitatibus dignos esse necum asserat. Non dicam modo de salebris & asperitate regionum, vallium profunditate, torrentium impetu, magnitudine summum, incommoditate marum tempore vectura, annonæ caritate in illis locis, unde merces deportantur, dissidius nauium, disparitate religionis &c. silentio prætereo varias & quotidianas militum latronumque depredationes & expilationes, vedigalium & gabellarum inauditas exactiones & impositiones, & huius generis innumerabilia, quorum aliquot species enarrat Ludou. Lauthier. Henil. 19. in Ecceh. quibus eorum vita & fortuna ab omni tempore, imprimis autem hoc calamitosissimo est exposita, & tot sibilibus exemplis comprobata. Maxima vero illi mercatores subeunt pericula, qui maritimam exercent negotiationem. Qui navigationem ineunt, eamque mercibus implent, eus periculo propinquæ mortis expositos. IC. Paulus

Ius

Ius in l. 3 ff de donat. mort. caus. censet. Quid sentiat de iisdem Sacra scriptura vid. David. Psalm. 17 vers. 26, 27 Sapient. cap. 14, ubi pericula exponuntur. Atque eiusmodi negotiatio periculosissima est, & fallacissima. L. ciuitas C. de offic. rect. prom. tum ob naufragia, tum ob piratas: non minus enim in mari, quam in villa, per latrunculos, See- und Meer- Räubery inquietari ac infestari possumus. Vlpianus in L. 3 §. 3 vers. inde Labeo ff. Naut. caup. stab. L. 19 §. 2 ff de capt. & postl. Lege in rebus 18 pr. ff commod. dicitur, quod latrones, pradonesque in terra, id in mari sunt piratae, nauigantium mercatorum securitatem turbantes. Vnde non immerito quoque factum, ut scilicet tot laborum ac periculorum contemplatione, mercatores miserabilibus annumerentur personis. Alexand. Consil. 130 lib. 3 Strach. de mercat. p. 2 n. 38.

§. V.

Ad sola bona si adrendimus, facile adparebit, quanta inter sit differentia, propter quam deinde etiam non leue interuenire debet discrimen in collectis circa illos, qui mercatores audiunt, & ceteros, qui tales non sunt. Quod si enim probe obseruandum est in censu indicendo, an agri, ut paulo ante vidimus, sint remotiores, an vero propinquiore, cum in finem, ut proportio intercedat debita: quis non eandem circumstantiam hac in causa quoque merito considerandam censebit? Certe, si vera fateri velimus, & rem vti est perpendere, mercatores non sunt dissimiles iis, qui agros habent remotiores. Quemadmodum enim illi maiori sumtuum temporisque dispendio agros suos conserunt, & fructus inde colligunt, quam alii, quorum praedia vicina sunt, & non

non longe distat: ita etiam cum mercatoribus res se
habet. Omnis labor & molestia sustinetur in peregrinis
& remotis terris, omne emolumentum & commodum
venit iisdem a remotis terris. Illi, qui in ciuitatibus mor-
tantur, & aut plane non negotiantur, aut minutatim sal-
tem, nach der Ellen und Maas, expectant vsque dum
aduehant extranei in urbem, & merces vendendas adfe-
runt; si nec hoc euenit, a reliquis ciuibus qui mercatu-
ram in magna copia instituunt, merces emunt. Ast in
mercatore res longe aliter se habet: quippe qui in re-
motissimas terras, ad gentes saepe incultas & immanseue-
tas ire cogitur, non raro cum salutis propriae fortuna-
rumque discrimine, maximis sumptibus, immensisque
impensis, ut comparet sibi inde bona, quae vendere rur-
sus sub honesto lucro, sicque se ac suos sustentare pos-
sit. Fructus non in patria, sed in remotis quoque ter-
ris colligit. Qui mercatores non sunt, quales nos heic
supponimus, ciuitatem frequentantibus & praesentibus
res suas vendant: si post venditionem aliquid damni rei
accidit, parum eiusmodi venditores de eo sunt solliciti,
quia res post venditionem perit emptori. *L. 9 Cod. de
pignor. action.* Nam quia perfecta emitione omne commo-
dum pertinet ad emptorem *L. 7. ff. de peric. & commod. rei
vend.* sequitur necessario, & periculum ad eundem peri-
nere debere *arg. L. 10 ff. de R. l.* Mercatores contra
cum mercibus suis inuiti in distas proficiscuntur regio-
nes, ut vendendo easdem victum sibi quaerant, relictis do-
mi cara coniuge, carisque pignoribus; per vnum aut ali-
quot etiam annos in iisdem haerent, prorsus non, aut
saltem interdum ad breue tempus redeunt, ut res or-
dinent.

dinent familiares suas. Finge, mercatorem restare domi, & petentibus mittere merces suas: nihilo minus tamen idem erit dicendum, quod scilicet emptionem & venditionem contrahat, fructusque consequatur in remotis terris: quia periculum eius est, usque dum merces illæ peruenerunt ad istas terras. Quamvis enim Carpz. *p. 2 decis. 131* affirmet, merces mercatori petenti missas, licet de pretio non conuenerit expresse, tamen postquam itineri sunt commissæ, mixti periculo eius, qui petit: at tamen hæc procedunt, si nihil aliud conuentum sit. Ast hodie plerumque hoc pactum interuenire solet inter mercatores contrahentes, nimiumque diffitos, ut tertius eligatur locus, æquali fere spatio ab utroque distans, ad quem venditor debet merces suo periculo transmittere; emtor vero ibidem solutionem præstare. Quamdiu ergo merces ad illum locum non perueniunt, tamdiu emtor non est obligatus venditori, nec quicquam soluit. Perit igitur res suo domino, qui adhuc est mittens. Quam maxime autem ad illos accedunt, qui remotiores habent agros, illi mercatores, qui in compluribus disitis emporiis tabernas habent, & negotiationem per insitiores, (aut ut ipsi vocant *Factorn*) exercent.

§. VI.

Præterea, si ratio est habenda circa agros, qui citius vel serius fructus ferunt, ut vno ad aliud compensato huic remitti, intendi illi tributa possint, quemadmodum supra §. 3 *in fin.* monuimus: & in hoc præsentia casu aliqua diuersitatis ratio poterit reddi. Illi, qui in ciuitatibus sunt, & parata vendunt pecunia res suas, fructus suos quasi percipiunt, & liberi sunt ab omni periculo,

lo, dumque alii pecunia sibi debita carere coguntur, vel ob debitorum fraudes & malignitates, aut alios ob casus, qui debitoribus accidunt, e. g. calamitatem belli, pestem, propter quos exactio denegatur, illi interea, nescio quæ, commoda acquirere, & lucra sentire ex pecunia accepta possunt. Alii vero, ut mercatores, qui debitorum fidem sequuntur, similes sunt iis, qui fructus serius percipiunt: sunt enim quasi in pendenti adhuc, & spes est in incerto, num saluos eos atque incolumes colligere, inque horreum, i. e. arcam, recondere aliquando possint, nec ne. Et licet priores etiam quandoque fidem habeant emtoribus de pretio, certe hi sunt vel ex eadem civitate, vel ex eadem provincia, adeo ut facilius nominis sit exactio. Mercatores vero debent plerumque illorum fidem sequi, quos nunquam viderunt, sed tantum per litteras cognitos habent: a quibus nonnisi post longum temporis intervallum suum consequi possunt, atque interdum etiam non sine imploratione, officii iudicis, magnisque litium impensis. Cum igitur eadem ratio heic procedat, quæ circa agros occurrit, qui citius aut serius fructus ferunt, sequitur, quod etiam idem effectus adesse debeat: identitas enim rationis idem ius facit. *L. illud questum est 32 ff. ad L. Aquil. L. quidam pignumularios 5 ff. de edendo.* Obiiciunt heic communiter nonnulli, quod mercator ipse in causa sit, ut tam sero fructus consequatur, cum in illius arbitrio sit, an velit sequi emtoris fidem, nec ne: atque ideo damnum quod sentit culpa sua, sentire non videatur *L. 203 ff. de R. L.* Sed hos rogatos vellem, ut sepositis gravioribus negotiis per aliquor hebdomadas tantum apud mercatores commorentur. Nullus dubito fore, ut elapso illo tem-

pore longe aliter sentiant hac de re. Ipsi videntur, quam exigua illa fors sit, quæ ex mercibus pro parata pecunia venditis redigitur; adeo, ut nisi interdum mercatores permittere velint, ut emtores nomina faciant, non solum nihil lucrari, sed nec se suamque familiam sustentare inde possint. Nec infrequens altera est obiectio, quod scilicet mercatores sint homines versuti, callidi, qui non omnibus statim fidem habent, nisi sciant, illos soluendo esse. Equidem lubens profiteor, quod mercatores merces non iactitent suas, & potentibus sine mora eas mittant: sed prius apud alios inquirent, num hic vel ille soluendo sit, nec ne. Quis vero nouit alterius patrimonium, quis scit, quantum alter in bonis habeat? ab externo rerum splendore iudicium ferre, nimis periculosum foret, & sæpe videtur is diues, qui pauperimus est, & diues est, qui creditur inops. Hinc etiam amicorum, quos consulimus, responsiones semper sunt dubiæ & ancipites, nec quicquam certi inde colligere licet. Coactus igitur est mercator optima quæque sperare, Deo, fortunæque merces mittendas committere, & euentum expectare, num debitor promissa sit seruaturus, & nomen suum liberaturus præscripto tempore. Ipse ego affirmare possum, quod B. Pater, nosque eius heredes, hodienum cum mercatoribus Brixensibus, Salisburgensibus, aliisque compluribus commercia celeberrimus, quos nunquam neque ipse, neque nos vidimus, fidemque illorum sequamur, ignari num diuites, num pauperes sint; nec aliud quid cognitum de iisdem habemus, nisi quod fama constat. Quæ cum ita sint, meâ opinione firmiter inde nonnulli concludunt, iniquum

non esse, quod illi, qui in hoc negotio fore

fore, & iustitiz distributivæ aduersum, qua sola sustentatur civilis politia, Klock *de contribut. cap. 17 p. m. 405*, si mercatores onera eodem modo cum reliquis civibus deberent ferre. Nec consuetudinem hodie in contrarium nitentem quicquam facere statuunt. Quia si tributum est iniustum propter inæqualitatem, & iniustitia illa erit contra ius naturæ, atque ideo consuetudine contraria non purgari & penitus everti poterit, sicut nec usura consuetudine vlla licita reddi. Ius enim naturale & immutabile est, ac firmum §. 11 *Inst. de iur. N. G. & C.* Iurique naturali, cuius transgressio periculum salutis inducit, nulla consuetudine (quæ dicenda verius hac in parte corruptela) aliquatenus potest derogari. *Cap. in fin. X. de consuetud. can. consuetudo distinct. 8.*

§. VII.

Porro concludimus ex antea dictis, quod cum illi, qui parata vendunt pecunia res suas in civitatibus, aut alia negotia gerunt non ita periculosa prout mercatorum sunt, intra anni spatium in varios usus sortem possint convertere, & magis sine periculo aut gravi aliqua illorum molestia ex eadem lucrari, quam reliqui mercatores scilicet, qui per semestre, annum, biennium, aut longius adhuc, fidem aliorum sequi debent: idcirco etiam maiora præstent onera fas erit. Exempla remanent; exemplum addam: a quo facile ad similia conclusio inferri poterit. Pistor & magis & securius lucratur, quam mercator. Magis lucratur, si enim eum centum florenis comparasse frumentum. Pane inde subinde confecto, intra mensis spatium suum multo cum honore recipit, repetit hoc singulis mensibus, quis ne-

gabit, eum magis lucrari per annum quam quinque ex centum florenis. Mercator, ubi semel fidem secutus emtoris, expectare debet, usque dum ipse veniat emtor, & nomen expungat, quod quandoque euenit non nisi post longum temporis interuallum, adeo, ut si velit computare mercator, quantum interea commodi exinde accipere potuisset, si statim soluisset emtor, facilius damnum timendum habeat, quam lucrum. Securius lucratur pictor, quia illius merces plerumque certam ac determinatam habent æstimationem, aut si quæ forte occurrat mutatio, non adeo repentina existit, aut adeo est magni momenti. At mercatoris merces sunt instabiles: dum in aliis regionibus comparat eas pretio nimis caro, si ad illa deinde peruenit loca, ubi eas vult vendere, interea ita diminutum est illarum pretium, ut vix tantum recuperare possit, quantum ipse impendit. Et hanc rationem securitatis non negligendam esse ipse suadet Mepius in *Comment. ad J. L. P. 2 tit. 3 art. 2 num. 38*. Nam cum res incerta sit, an etiam ex operis artificum & manualis artes exercentium debeat census, multique in negotiis inclinent sententiam, ille affirmatiuam tueretur, ex hac eadem ratione, quia securius ex operis lucratur, quam cæteri ex suis possessionibus. Quid ergo obstat, quo minus & nos dicamus paululum immutatis verbis, mercatores non eodem modo cum aliis censui subiicere debere, quia non ita secunde lucrantur, prout illi ex possessionibus suis. Rem decidimus argumento recessus Imperii de anno 1544 §. Und dieneil nun diserterauum reperiur, daß etliche von ihren Paarschafften des Jahrs ein mehrere Nuzung und Einkommen ohne ih-

erfondere Mühe und Kosten haben / dann von 1000
Gulden Hauptgeldes 50 Gulden / deswegen auch wol
gleichmäßig angesehen und verordnet / solche Paarschaft
höher als andere Güter und Einkommen zubelegen. *Ita*
Fortassis quis instabit : ergo mercatores nihil in bonis
habent, nisi nomina & actiones? hoc enim colligi po-
test ex verbis antea a me allatis. Respondeo quod sic;
simulque prouoco ad libros rationales mercatorum, quos
si quis euoluerit, facile in castra transibit mea : si enim
non omnia consistunt in nominibus bonis, saltem de ma-
xima bonorum parte hoc affirmandum erit. Klock de
contribut. cap. 11.

§. VIII.

Alii contra etiam circa professionem mercatoribus
quid indulgent, & dicunt, quod pro mercibus mercato-
rum nihil debeat solui, nec æstimum confici. Quamuis
dubia hæc quæstio est & anceps, propter Dd. varias senten-
tias. Sunt nonnulli, qui ab affirmantium stant partibus.
Inter quos Menoch. *consil. 9 per tot. Tiber. Decian. conf.*
69 num. 1 & 2 vol. 3, qui plurimis auctoritatibus coac-
tuatis huic assertioni intentissime adhaerent. Item Meul-
us cum allegatis *P. 2 tit. 3 art. 2 num. 37 p. m. 307.* At-
gumenta, inquit, quæ in contrarium adducuntur tanti
non sunt, ut quem moueri possent ad absolendum
mercatores a subsidiis reipublicæ. Si enim hæc rationes
præualerent, vix & alii possessores non minus periculis
expositi merito quid soluerent. Contrarium ergo veri-
us, ut qui lucrum, & quidem maras atque ex aliis pos-
sessionibus speratur, ex mercibus quærant, illi & inde
publico arario satisfaciant. Alii contra, atque illorum
non

non pauci, negant, confici ætimum, & onera pro iisdem
 solui. Rationem addunt sequentem, quia merces sunt di-
 uersæ admodum naturæ a reliquis rebus mobilibus, quas
 possidemus: utpote merces nihil certi habent, a fide
 aliena pendent, fortunæ periculo subiacent, fructus per se
 & sua natura sponte non ferant; nisi adhibita hominis
 industria, sunt in motu continuo, hodie maioris, cras
 minoris, & vice versa, sunt æstimationis, atque ita con-
 fusa omnia & obscura. E contrario vero immobilia, &
 quædam mobilia sunt certa, non pendent ab alterius fi-
 de, nec fortunæ ictum pertimescunt, fructus proferunt
 sua sponte, uti etiam in animalibus videmus, nec cur-
 sum mutant, vnius sunt status & firmitatis, aperta & li-
 quida. Quapropter in immobilibus æquum, ut illis auctis,
 augeatur & collectæ onus, & minutis minuatur *l. cura &
 deficientium ff. de munerib. & honor. arg. l. omnes C. de
 censib.* Quæ sane ratio non videtur mercibus conueni-
 re ob frequentem mutationem, alioquin quotidie noua
 æstima essent conficienda, quod durum, & pene impossi-
 bile est. Immo clara & liquida cum obscuris & difformi-
 bus miscerentur, quod minime in æstimo procedit. Ita
 in hac specie argumentatur Iac. Mandel. de Alb. *Conf. 38
 num. 6.*

S. IX.

Alias rationes vid. apud Surd. *confil. 146 num. 6*
 Borell. *confil. 63 num. 23* Crauetta *confil. 497 num. 3 vers.*
quinto. ideo putat merces mercatorum non æque oneribus premi ac alia bona stabilia, quod sine obnoxia
 multis casibus belli, pestis, illationum incendii, ac de-
 bitorum foro cedentium. Sed horum opinionem, licet
 quan-

quandam aequitatem præ se ferat, maxime cum vires patrimonii mercatoris plerumque in incertis nominibus consistant, nec in puncto iuris defendi posse, nec in praxi feruari, affirmat Klockius *cap. 11 de contrib. teste Florez de Mena pract. quest. 21 num. 60*, ubi subdit, quod alias mercatores, qui ut in pluribus locis non habent alia bona, quam merces, de facili nobiles fierent, & defraudaretur fiscus suis collectis & tributis. Verum, si permissum est dicere quid sentiam, neque hoc statim sequitur, quod vult Florez, datur enim tertium, ut scilicet propter hanc incertitudinem magistratus transigat cum mercatoribus, ut certam summam quot annis per auersionem soluant (Germanice *Ding-Geschoß*) cuius hæc est natura, ut nec amplius exigi, nec minus solui possit per singulos annos, quod tamen intelligendum facultatibus sic stantibus, prout fuerunt tempore contractus. Sic enim utrique parti consuleretur: & magistratui, qui certum quid acciperet pro incerto, & mercatoribus, qui dum sibi vident hac via satis prospectum esse, prouiores forent ad soluenda ea, quæ magistratui debentur.

§. X.

Denique ita antiquissima consuetudine in Italia obseruatum esse, de mercibus scilicet & negotiationibus non esse solutas collectas, nec æstimum confectum, ex Iason. in *L. decem num. 34 de V. O.* asserit Andr. Alciatus *Conf. 263 num. 4*. Ita quoque in regno Portugalliz mercatoribus Hanseaticis degentibus concessum, ut ab omnibus muneribus, tam patrimonialibus, quam personalibus, & in specie a munere iusculæ, & ab omni collecta, pensati-

tatione & tributo, tam ordinario, quam extraordinario, omnique etiam seruitio & militia, tam mari, quam terra liberi penitus & immunes sint. Priuil. Hispan. 31 de anno 1607 referente Marquardo *de iur. mercat. l. 1 cap. 18 num. 10.* Ast in maritimis ciuitatibus, Lubecæ scil. & adjacentibus, censum mercium in usu esse, nec disputatione egere, docet Meuius *P. 2 tit. 3 art. 2 num. 38.* Idem demonstrat nobis experientia in aliis Germaniæ ciuitatibus liberis non maritimis, ubi census quoque pro mercibus solui debet: quod longa consuetudine receptum tandem in ius abiit: quia consuetudo vim legis habet, ac iuri communi derogat. *l. de quibus 22 ff. de L. Philippi in eclogia. 1 ecl. 25 num. 8.* Vnde haud sine iusta causa illibata, & sacra testaque seruantur, quæ consuetudine vetusta recepta sunt.

§. XI.

Quid porro de nominibus & actionibus dicendum, an & has mercator ut cætera bona in censum referre, & pro iisdem onera subire debet? Certe sunt nonnulli, qui id affirmant: Ratio illorum hæc est, quia actiones & iura ex persona creditoris æstimanda sunt, Carpz. *P. 3 C. 12 D. 14 num. 5,* & dicuntur esse de eo loco, de quo est persona creditoris, eique subiacere iurisdictioni, sub qua creditor habet domicilium, Col. *de process. execut. p. 1 cap. 2 num. 239* cuius ossibus tenacissime sunt affixæ, propter effectum exactionis, *l. quis ergo casus in fin. & l. si Stichus ff. de pecul. 10.* Petr. Sürd. *consil. 444. n. 9,* ab eoque non magis separari possunt, quam anima a corpore, Rauchbar *quest. 17 part. 1 num. 2.* Immo per fictionem quandam iuris nomina debitorum ratione actionis competentia dicuntur esse in bonis arg. *l. Gaius 36 ff. de legat. 2*

l. 9 pr. ff. Rem pupilli saluam fore: quia qui actionem habet ad rem recuperandam, rem ipsam habere videtur. *l. is qui actionem 15 ff. de Regul. iur.* Neque huic sententiae ob stare videtur *l. si unus §. pacta quæ. versic. ante omnia ff. de pact. l. fin. Cod. de hered. act.* ubi actiones etiam dicuntur adherere ossibus debitoris, neque eius personam egredi: nam verum est illud, si passivè intelligatur, non autem, quando de iuribus & nominibus actiuis agitur.

§. XII.

Verum non ita simpliciter ad propositam quaestionem respondendum esse, adparebit ex sequentibus. Et locum heic illud inuenit merito, quod alias dici solet, qui bene distinguit, bene docet. Primo igitur distinguimus inter actiones & nomina, quæ certa sunt, & facilem habent exactionem, & inter illa quæ sunt inexigibilia, extinguibilia, incerta. Ex illis licite censum dependi debere affirmat Rota Genuensis *decis. 156, Meuius lib. 2 tit. 3 art. 2 num. 35.* De his autem aliquid præstandum esse, rectius negatur. Nec obstat *l. 15 de R. I.* quod is, qui actionem habet, ipsam rem habere videatur: procedit enim illa, si debitor est soluendo. Si enim non est soluendo, quid quæso ab eo exigi potest? Non ultra a debitore quid sperari potest, quam quo facultates eius sese extendunt: secundum commune proverbiū, *wo nichts ist, hat der Keyser sein recht verlohren.* Lauterb. in *dissert. de benefic. compet.* & is nullam videtur actionem habere, cui propter inopiam adversarii inanis est actio *l. 6 ff. de dol. mal.* & Klockius *cap. 11 de contribut. ex Aluar. Valasco in prax. 45 partis. & Collat. cap. 8 num. 12*

affert, quod ea nomina tantum in inventario describenda sint, de quibus reperiuntur schedulae, chirographa, vel instrumenta iuridica in domo defuncti. Hac certe quodque causa est, qua inductus Matth. Colerus in processu suo execut. P. 1 cap. 6 num. 146 expresse statuit, eum qui eiusmodi nomina non facili exactionis habet, soluendo esse neutiquam dici posse.

§. XIII.

Quando autem nomen dicatur certum & indubitatum, exprimit Fulu. Pacianus *consil. 89 num. 6 seqq.* Certum nomen debitoris est, quod appellatur indubitatum, vel quia nondum fuit deductum in iudicium, *ut gloss. fin. in l. 1 versic. si autem est indubitata Cod. ne liceat potest. & ibi Alber. sub num. 3,* vel quia de ipso debito constabat per confessionem debitoris, quae quidem confessio faciebat actionem indubitatum, *ut docet gloss. in l. per diuersas. in verbo pro indubitatis Cod. mandat.* Vel ut praecedenti §. diximus, de quibus exstant schedulae, chirographa &c. Verum haec ita se habent respectu creditoris. Haec autem praecipue attendere debemus ad debitorem, & de facultatibus eius dispicere: quid enim iuvat actionem meam esse fundatam, inanem vero propter inopiam debitoris? Dantur autem varii, atque innumeri casus, ob quos debitum possit dici incertum & dubitatum respectu debitoris: quamuis haud quidquam certi in iure hac de re sit constitutum. Nos regulam constituimus sequentem: *ob quameunque causam debitor vel reuera non est soluendo, vel pro tali habetur, illud debitum & dubitatum est, & incertum.* E. g. si debitor iuramentum paupertatis praestitit, vel ostium vadat, a

libo-

si bonis cessis, si per tamam vicinorum contras, nulla
 amplius adesse bona. Carpz. P. 2. C. 18. D. 19. num. 41. Vel si
 debitum sit antiquum, & aliquoties monitus non solvatur,
 vel in remotissimis terris agat, & non sine negotio con-
 ueniri possit: quæ enim difficulter sunt, in iure nostro
 civili non raro perinde habentur, ac si fieri non possent:
 vid. l. 2. pr. ff. de his, qui satisfac. Idem dicendum de ta-
 sitante erit, aut tyranno, vel potentiore, quia quis ido-
 neus æstimatur non tam patrimonio, quam fide quoque,
 l. 1. §. 1. ff. de V. O. Item, si debitor in illis regionibus ver-
 setur, ubi bella geruntur, quia possessionum suarum sumo
 incerti, nec fructuum participes & securi: hinc & ege-
 stati proximi dicentur. Mevius ad l. l. P. 2. tit. 3. art. 2. num.
 27. Pendens enim omnia ab immoderata & illicita libe-
 dine militum, qui immobilia vastant, mobilia diripiunt,
 &c. Et quis omnes casus recensere? Iudicis heic mul-
 tum valebit arbitrium; & a similibus ad similia facile fi-
 eri poterit conclusio. Vade deinde sua sponte patet,
 quæ debita certa sint & indubitata respectu debitoris &
 quia contrahentium ea est natura, ut cognito vno illo-
 rum, cognoscatur & alterum. Quanquam Carpz. part.
 1. cons. 18. defn. 16. num. 6. vix unquam nominis facilem
 & expeditam esse persecutionem dicat. §. XIV.
 Videtur nihilominus dubium restare adhuc circa
 actiones & nomina, licet sint certa & indubitata. Cum
 enim tributa debeant iudici secundum æs & libram, illi
 qui maioribus præditi sunt facultatibus, locupletioresque
 existunt, plus solvant, quam ii, qui minus habent.
 Nec per malam bonamve gratiam hi premiendi, isti

subleuandi sunt, ex mente Klockii *cap. 16 de contrib. num.*
 48, cuius verba sunt, quæ modo adtulimus. Id quod
 neutrquam eueniret, si mercatoribus non foret licitum,
 aliquid detrudere summæ, quam constituunt nomina
 in libris rationalibus. Qui enim paratam habent pecu-
 niam in arca, omnino sunt distores iis, quorum facul-
 tates, si non omnes, maxima tamen illarum pars in ac-
 tionibus consistunt. Satiùs est secundum ritum illud
 prouerbium, vnam auem tenere in manu, quam quin-
 que in recto habere. Equidem si libros rationales mer-
 catorum inspicias, diuites illi adparent & opulenti: cum
 vero actio semper minus valeat, quam res ipsa, ad quam
 actio competit, tum propter metum, quod debitor fa-
 cile possit ad inopiam redigi, tum si forte debitor fidem
 falleret, ob litis dubium euentum, cum possit perdi-
 etiam iusta causa propter iudicis defectum, & accidia de
commerc. §. 1 quest. 1 num. 433: idcirco mercator quoad
 illam actionum quantitatem creditur minus in bonis ha-
 bere. E. g. mercator qui nomina habet sibi competentia
 aduersus externos 4000 floren., ob modo allegatam ratio-
 nem, quod scil. actiones minus valeant, quam res
 ipsæ, ad quas competunt, summo iure 3000 floren. pro-
 fiteri potest: quia nunquam inueniet emitorem, si eas
 cedere alicui velit, qui maius offeret pretium, quam
 3000 floren.: immo interdum longe minori eas vendere
 cogetur.

§. XV.

Deinde etiam distingui potest inter professionem
 & solutionem census. Debita incerta ac dubitata vi-
 que profiteri fas est, quia & prædia sterilia in æstimum
 scri-

scribenda sunt. *Festas. de assim. & collect. cap. i. nam. ap.*
 At quidquam pro iisdem solvi non debet: quia etiam
 ratione sterilium prœdiorum nihil dependitur. *l.iformis*
§. illam. equalem ff. de censu. ubi dicitur: si vis. mon-
itua sint. vel arbores aruerint; iniquum cum numerum
inferi censui.

§. XVI.

Denique circa professionem quoque mercatoribus
 aliquid remittendum multi suadent. Quorum ratio
 præcipue fundata est in utilitate & necessitate. Reipubl.
 quæ suprema lex est. *l. 5 ff. de decret. ab ordine fac. & cu-*
ius causa. multa permittuntur, quæ alias prohibita sunt
ex abbat. in f. de sensu. & re iudicata in 60. Quod si
 enim mercatores tam exacte omnia & accurate debe-
 rent indicare, prout reliqui ciues, inque casu negligentia
 tam graui coererentur poena, necesse foret, ut mercator
 singulis hebdomadibus libris suis rationalibus integris
 rationem ineat facultatum suarum, quantum sibi debea-
 tur, quid ipse debeat, quantum detraxis detrahendis
 reliqui maneat, quor ponderum, mensurarum merces
 sint, quas possidet, & centena alia, ne scil. errorem com-
 mitteret, & falsæ bona sua profiteretur. Hoc autem fi-
 eri modo, ut mercator talibus distractus curis non de-
 amplianda & extendenda negotiatione, sed potius de-
 contrahenda consilium ineat, metuens, ne alijs potius la-
 bor suus & industria profutura sit, quam sibi, aut suis. Immo
 nonnulli, quamvis etiam hoc velint, non tamen sine
 maxima iactura negotiorum suorum, mercatorem hoc
 præstare posse, contendunt. Quantum autem inter-
 Reipubl. commerciorum vsum esse liberum, & negoti-
 ationes

actiones florenti in statu conseruare, optime illi norunt, quorum potentia & opes per easdem incrementum cœperunt. Io. Sibrant. *de iur. publ. Reip. Lubecens. p. 1 sect. 2 num. 21. & seq.* ubi inter alia: Daß die Riberländischen Städte so hoch kostbare Kriege geführet / und Armaden unterhalten / haben allein die Intraden / so sie vom Rauffmann durch Gottes Seegen gehabt / ein und zuge- tragen / welches billig allen Regenten die Augen offnen soll / daß sie über den Rauffmann / deren Städte und Handel steiff halten / und die commercia durch priuilegia vermehren. Et Wilhelm. Wselings in Bericht von der Süder-Compagnie in Schweden *de anno 1626. p. 30. 31. & fine.* Lather. *de censu lib. 3 cap. 12 num. 34* mundum negotiationibus carere non posse, affirmat. Hippolitus & Colibus *de priu. cap. 30* tantam esse mercaturæ vim dicit, ut adempta facultate mercandi (quod aliquando in regno Neapolitano factum est) provinciales continuo ad inopiam redigantur.

CAPVT III.

§. I.



Um itaque multum intersit, ut ciues sine re bona sua profiteantur, & tributa sine fraude & iniuria inferant, Meuius *ad I. L. P. 2 tit. 3 art. 3 num. 1.* Imperatoria autem maiestas ideo legibus armata sit, ut per legitimos tramites calumniantium nequitias expellat, *pr. proxi. Inst.* ideo fœderissimæ sunt constitutæ poenæ aduersus fraudatores ad aliorum nequitiam coercendam, & ut reliqui territi metu poenarum

rum

rūm fideliter ea soluant, quæ magistratui debent. Crimen autem fraudati census (vbi vocatur in *L. 1 C. de quest. l. 1 ff. §. in causa 20, & ibi Gothofred. cod. tit.*) non vno eodemque modo apud omnes populos punitur, sed in id varie animaduertitur pro diuersis gentium moribus. In plerisque Germaniæ ciuitatibus vsu receptum est, vt bona incensita mercatorum ob non solutas inde collectas, non secus ac merces ob non solutum vectigal, in commissum cadant, statimque fisco acquirantur. Faust. *de arario class. 5 consil. 19 ordin. 540. in fin.*

§. II.

Vt autem hæc pœna locum habeat, duo requiruntur, & animus dolosus, & ipsa subsecuta fraudatio: quorum vnum sine altero subsistere non potest hoc in casu, sed ambo simul requiruntur: *arg. §. 3 in fin. Institut. qui, & ex quib. caus. manu nit. non possunt.* Quid enim quæso interest Reipubl., si mercator animum habuerit fraudandi, non vero re ipsa quid commisisset in detrimentum ciuitatis? Cogitationum certe pœnam nemo patitur *l. 18 ff. de pœnis.* Et quamuis etiam quandoque cogitationes in iure nostro vindicari pœna dicantur, vt in *L. 6 pr. C. de bis, qui ad eccl. confug. & L. 5 C. ad L. Iul. maiest.* hoc tamen non de meris cogitationibus intelligendum, sed quatenus ad actus exteriores progrediuntur, vt innuit ipsa *L. 6 verb. atque tractatu.* Hæc autem ad actus externos non progressus est mercator, quia non defraudauit censum. Aut quid obesse possit mercatori, si quidem in effectu falso professus fuerit, non tamen animum malignum habuerit? Animus distinguit delicta, & malitiam tribuit actibus, *L. 53 pr. ff. de furt. & fraudis*

interpretatio in iure ciuili semper non ex euentu duntaxat, sed ex consilio quoque desideratur. *L. 79 de R.I. Crimen enim contrahitur, si & voluntas nocentis intercedit. L. 1 C. de sicar. Et Iason l. fin. num. 127 C. de iure empbyt.* nos docet, sine dolo neminem re sua priuari posse iure a superiore, ne quidem a domino. Quod idem obtinet circa gabellas. Bertachin. *de gabell. p. 9 & ult. num. 3.*

§. III.

Sed quomodo de dolo constabit? an magistratui credendum, qui in facultates inquirat, bona æstimat, conficit inuentarium, & facta collatione inuenit, non recte censum professum fuisse a defuncto: an, inquam, magistratui credendum, ut nihil amplius requiratur ad dolum probandum? aut fides habetur officiali, qui ærario præest, quando denuntiat aliquem in crimen fraudati census incurrisse: adeo ut legitimo modo & processu consueto aduersus peccantem non foret opus? primo videtur quidem intuitu res ita se habere: ex hac ratione, quia inquisitione magistratus statuit secundum ius canonicum, *capit. qualiter X. de accus.* saltem donec contrarium probet is, qui denuntiatus est non soluisse gabellas. Bertachinus *de gabell. part. 9 & ult. num. 38 in fin.* Nam magistratui in his, quæ circa officium facit, & ad illud pertinent, credi debet, *cap. 7 post censionem, ubi Panor. Felin. Dec. X. de probat. Ziegl. in prælect. ad decretal. ad hoc capit. p. m. 263.* Immo & officiali denuntianti non solutas esse gabellas fides habetur, donec denuntiatum contrarium probet. *Specul. de accus. §. 1 in fin. Bertachin. de gabell. parte 9 & ult. num. 38 in fin.*

§. IV.

Cum vero dolus non præsumatur, *L. quoties §. qui dolo. ff. de probat. L. dolum. Cod. de dolo*, sed alleganti eum onus probandi incumbat, Bart. & Dd. in *L. si quis ex argentariis §. ult. ff. de edend. Carpz. lib. V Resp. XIII num. 4*; quapropter ab officialibus, imino etiam a magistratu hoc requiritur, ut fundamentum actionis suæ probent. Affirmanti enim incumbit probatio, & ordo hic est iuris, quod qui agere vel accusare volunt, debeant primo probationem asserere. Et actore non probante, reus absolvitur. *L. qui accusare, cum concord. ibi in gloss. ad ductis C. de edend.* Et quidem officialibus publicis non statim esse credendum, docet *l. diuus; de custod. reor. & L. singuli 14 Cod. de accusatio.* ubi dicitur, *singuli vniuersique iudices cognoscant, in publicis criminibus non oportere emendicatis vti suffragiis decretorum, aut relationibus a destinandis personis publicis credere, sed rei veritatem inquirere, & L. 1 Cod. de curiosis lib. 12.* Curiosi & stationarii, vel quicumque funguntur hoc munere, crimina iudicibus nuntianda meminerint, & sibi probationis necessitatem incumbere &c. Adeo, ut pro rei qualitate puniantur tanquam calumniatores, *cap. 2 X. de calumniator.* aut falsarii, si falso deferant scienter. Magistratui autem non creditur in rem suam contra alios in facto non antiquo, præsertim extra iudicialiter & coram se non gesto, & quando non seruat iuris ordine procedit. *Wesemb. tom. 7 consil. 336 in rationibus decidendi in prima questione §. daß mehr ist ic.* Immo aperti iuris est, quod non liceat iudici, non præcedente sufficienti causæ cognitione, aliquem spoliare possessione sua, vel vñu possessionis.

sessionis suæ: & si quis a iudice tali spoliatus fuerit, ante omnia debeat restitui. *c. conquerentia X. de restitu. spoliat.* Per quem textum patet, quod si iudex procellerit extrajudicialiter, tunc non præsumatur pro eo, & quod etiam contra iudicem iniuste spoliantem possit agi possessorio recuperandæ possessionis, sicut contra priuatum. Schurpf. *cent. 3 consil. 6. num. 7 & 8.* Citra ordinem solennem frustra bona aduersarii tui in te transferri de precaris, Imperator Gordianus rescripsit *L. 14. C. de partio, & processus non debet incipere ab executione. arg. L. 58 ff. de re iudic.* Potissimum vero magistratui non creditur in his, quorum ratio dependet a mera superioris potestate, ut cum agitur de iure vel bonis alicuius auferendis: late Crauet. *de antiquit. temp. part. 1 §. 1 num. 16.* Atqui heic agitur de possessione & iure auferendo, quod non nisi ex iusta causa, & eadem probata fieri potest. Menoch. *remed. recuperand. 3 num. 3, 8, 9.* Quoties autem alicui non potest aliquid auferri sine iusta causa, toties illa non præsumitur, Barthol. *L. item suspectus 19 ff. de procurat. nequidem in principe aut magistratu. Alciat. præsumt. reg. 3 præsumt. 8 & 9 num. 7.* Potius contraria est præsumtio, quod non iuste moueatur ad rem alteri sine processu iuris auferendam. Menoch. *recuper. remed. 3 num. 3 cum seqq.* Ad obiectiones antea allatas responderet Wefenbee, *cit. consilio in rationibus decidendi ad secundam questionem §. Sintemahl dann circa finem. & in rationibus decidendi ad primam questionem §. multo minus.*

§. V.

Hæc autem doli probatio in mercatore si non plane

ne impossibilis, difficilis tamen certo erit. Quod illi optime norunt, quibus mercatorum conditio & status est cognitus, quique aliquantulum apud eosdem commorati fuerunt. Cum enim a dolo, adeoque etiam ab eius poena, quælibet causa, etiam iniusta exeufer, *L. igitur 12 ff. de liberali causa. gloss. L. 1 de plagiar. l. vnic. in fin. ubi Iason & Dd. ff. si quis in iudicenti*, licet adeo iniusta sit causa, ut feris magis immanibus habeatur contentanea, quam homini, Cacheran. *Consil. 65 num. 16*, nihilo minus tamen etiam bestialis causa delinquentem a crimine liberet, *Carpz. P. 4 C. 3 D. 18 num. 17*: quis non videt, nunquam probabilem eiusmodi causam defuturam mercatori: dumque reliqui nimis solliciti sunt de vna vel altera ratione, quæ ad excusandum inferuire ipsis possit, hi (scilicet mercatores) nescio quot earum in promptu habent. Iam mercium, quas possider, pretium intantum crescit citra omnem spem atque opinionem, ut fere duplum alias consuetæ æstimationis excedat, incertum tamen, quamdiu duret. Iam ob probabiles & indubitatas rationes illos, quos soluendo crediderat, & de quibus persuasus semper fuerat, quod sint soluturi, inter inidoneos & ineertos debitores referre cogitur. Mox illi, qui bonis cesserant, ad pinguiorem redeunt fortunam inopinantibus nobis, nomenque suum expungunt, quod minime futurum putaueramus. Interdum tam ampla & copiosa est negotiatio, ut nisi maximam velit pati iacturam mercaturæ suæ, rationem facultatum suarum inire sine sumptibus immensis non possit: quæ propter ei ignoscendum, si non exacte in omnia inquirat, & accurate indicet. Quandoque nonnullorum com-

mercia ita sunt comparata, vt negotiator per integrum annum non nisi tres aut quatuor septimanas domi reſter, reliquum tempus aut emendis mercibus, aut debitis exigendis intentus in remotis & longinquis peragat terris. Seruis vero & famulis quos alit, poteſtatem dare arcana patrimonii inueſtigandi, nimis periculoſum foret & damnoſum. His & centenis aliis ſimilibus mercatores aut illorum etiam heredes vti poſſunt ad declining dolum, cuiusque poenam, ſi aut viuus iſtis inquiratur, aut poſt mortem inuentarium conficiatur, & adpareat plus eſſe in bonis, quam indicatum fuerit. Quæ tamen aliis, qui mercaturam non exercent nullo modo prodeſſe poſſunt. Quia illorum patrimonium conſiſtit plerumque aut in pecunia parata, quæ facile numerari poteſt, aut in rebus immobilibus mobilibusque, non tamen ita incertis & abſentibus: neque etiam in tanta magnitudine & copia, vt facile inuentarium poſſit confici.

§. VI.

Ex vero igitur dolo hæc poena commiſſi indicitur, qui nullo modo excuſari poteſt. Sub quo vero neutquam culpam latam intelligimus: licet in iure dicatur, dolum & culpam latam æquiparari *l. quod Nerva 32 ff. de poſit. l. 4. ff. de magiſtr. conuen.* Vel enim, vt aliqui volunt, de lata culpa verſutæ ſeu malitiæ intelligendum hoc eſt, non culpa ignauæ; vel quod magis placeat, iſta æquiparatio tantum in cauſſis ciuilibus, ſi ad reſtitutionem rei ſeu ad intereſſe ciuile agitur, non vero in cauſſis criminalibus valet: quoties enim poena eſt irroganda, vt heic, toties dolus & lata culpa non æquiparantur. Inprimis ſi ope iuramenti res ſuas profiteri cogun-

coguntur : tunc enim præcipua pœna periurii est infamia. *L. 41 C. de transact.* Atqui infamia non nisi ex certis causis irrogatur , inter quas non reperitur lata culpa.

§. VII.

Quid si igitur quidam ex mercatoribus inveniatur (vitia enim erunt donec homines: Tacitus *hisor. lib. 4 cap. 74 num. 4*) qui adeo peruerso sit animo , vt sciens lubensque velit defraudare censum , & partem bonorum, de qua certus est , quod possideat eam, reticere: num pars illa bonorum ipso iure statim cadit in commissum, quem ad modum hoc in vectigalis fraude statutum legimus? ita nonnulli sentiunt, vt pœna commissi tam in hoc crimine, quam in crimine defraudati vectigalis vel gabellæ locum habeat: vid. Winzlerus *de collectis consil. 5 n. 7 & 8*. Et sic tam in facultate iuridica Ingolstadiana quam Tubingensi, consulendo conclusum fuisse, testatur Georg. Euerhard. *Volum. I consil. 3. Besold. P. 3 consil. 91 num. 75*: Plures allegat auctores, qui eandem tventur opinionem Klockius *libr. de contrib. cap. XVIII num. 77 seqq. cap. XIX num. 541 p. m. 521* simulque allegat rationes, quibus vtuntur ad colorem inducendum suæ assertioni. Quas vero idem eodem loco *num. 581 p. m. 524* in examen vocat, & dilucide ostendit, quod ex nullo innitantur fundamento.

§. VIII.

Nos negativam defendimus sententiam, quod scilicet bona in censum non relata eodem modo possint confiscari, prout in crimine defraudati vectigalis. Primo : quod argumentum a vectigalibus ad collectis locum

cum non habeat, quod adducit Besoldus *loc. cit. num. 85, 104 & 105*: quia poenæ, præsertim tam graues, non sunt producendæ ad casus non expressos *cap. in penis 49 de R. l. in 6to, Zasius & gloss. ad §. ex maleficio, Inst. de action. ne quidem ob similitudinem, vel etiam ob identitatem rationis. Odiosæ enim dispositiones restringendæ potius, quam ampliandæ sunt. Cap. Odia. de R. l. in 6to. In primis quando aliqua diuersitatis causa subest: vti heic illa exim pro restauratione viarum, pontium, & fluminum imponuntur, quæ transeuntes aduenæ & extranei, qui pedes in stapedio habent, facile defraudare, resque mobiles alio transportare & auferre possunt. At in tributis & collectis hæc aliter se habent: ibi quilibet pro agris & fundis rebusque tributariis quas possidet, remota omni pactione illicita, publicas pensiones agnoscere tenetur. Vid. latius hac de re differentem Wesenbec. *cit. consil. in rationibus decidendi ad secundam questionem §. Ders dritte.**

§. IX.

Secundo id colligimus ex recessu Imperii *de anno 1544 §. doch sollen ic.* Quæ enim causa fauorabilior esse possit, ut fraudulose reticens bona puniatur amissione illorum, quam collectæ Turcicæ? eiusmodi homo enim non solum in vnus superioris præiudicium aliquid committit, sed in totius Imperii salutem publicam & tranquillitatem. Nihilominus tamen constitutum reperimus, quod pro quantitate & qualitate celatorum bonorum, & ipsius dolosæ celationis, poena diuersimode sit imponenda. Quæ variatio non esset necessaria, si poena commissi, quæ in omnibus casibus, & tam in magna, quam

quam in parua quantitate semper vniformis est, locum haberet. Verba sanctionis hæc sunt: Würde aber einer oder mehr zu ihrem Vorthail und Abfürzung dieser Christlichen Steuer und Anlag / in seiner anzeige zu wenig anzeigen und versichern wollen / den oder dieselb soll ihr Obrigkeit nach groß oder kleine seines verschweigens / und nach gestalt derselben unnachlässlich straffen.

S. X.

Tertio hoc adparet ex eod. recessu imperii §. aber zu Einbringung &c. vbi confiscationis poena tantum ludæis est imposita. Verborum tenor hic est: Wo ihrer (der Juden) einer oder mehr Gefahr oder falsch hierin zu gebrauchen vermerckt würde / der soll der Obrigkeit darunter er wohnhaftig / angezeigt werden / und durch solche seine Mißhandlung den halben Theil aller seiner Haab und Güter vermurckt und verfallen haben. Ex quibus constat, quod tanta animaduersio præscripta sit aduersus ludæos, & quidem in terminis illius constitutionis, nempe in collectis Turcicis: partim in odium detestandæ illorum perfidiæ, partim in fauorem collectæ Turcicæ. Christiani igitur in vulgaribus collectis defraudatis non simili poena affici possunt. Quia in odium Iudæorum quam plurima sunt introducta, quæ ad Christianos extendere minime licebit. Hippolit. de Marsil. singul. 463, Berlich. P. 3 conclusi 4 in num. 31.

S. XI.

Multæ adhuc aliæ superessent causæ, sed vereor, ne multitudo illarum molestiam B. L. creem: qua propter eas omitto. Et ea quidem quæ supra diximus, ita se habent, si expressa constitutione nihil cautum sit, quod

F

bona

bona debeant fisco adplicari. Quod si enim statutum, aut lex ante euenientem casum condita, qua bona fisco addicuntur, certe illa obseruari debet, aut si longa consuetudine hoc introductum sit: in talibus enim casibus & pœnis ex interpretatione iuris semper est considerandum, quo iure retro ciuitas sit vsa *L. si de interpretatione 36 de LL.* Nam talis obseruantia, stylusque curiæ, & res similiter iudicatæ ius faciunt *l. nam imperatori 37 eod. tit.* & in collectis, earum exactiōe, ac consequenter in pœnis contra fraudantes & non profitentes consuetudinem plurimum valere, testatur Klockius *de contribut. cap. 2 num. 69.* Confer ea quæ habet Wesenbec. *in allegato consil. in rationibus decidendi ad secundam questionem §.* Ja das Goldh. 1c. Notandum tamen bene, quod intuitu huius pœnæ sit non leuis differentia inter mercatorem qui in vrbe municipali viuit, & inter mercatorem qui in ciuitate libera, vel sub eius iurisdictione, qui habet regalia, degit. Ille enim securus esse potest, quod tam grauis pœna in eum a magistratu municipali decerni non possit: non item hic. Nam qui regalia, ius fisci, & merum mixtumque habent imperium, & vigore suæ iurisdictionis collectas imponunt: iisdem quoque quoad exactiōem & executionem potestatem bona inchoata, & in præstatione collectarum celsata fisco adplicandi, desuperque actionem commissoriam exercendi liberè indulgemus. Hoc verò nequitum de ciuitatibus quæ superiorem recognoscunt, asseri poterit. Vtpote quibus nec ius fisci competit, quæque fiscum nullum habent, sed tantum bursam, siue arcam communem *l. 1 § quibus autem ff. quod cuiusque vniuers. nom.* Nisi hoc

cui-

ciuitatibus prouincialibus siue municipalibus a superioribus expresse vel tacite concessum fuerit, vel consuetudine præscriptum. *Lauterb. Vol. 3 Dissert. de iure fisci § 6.* Et licet nonnulli statuant, vrbes municipales habere potestatem statuta, contraria etiam iuri scripto, condendi; id tamen restringendum est ad ea, quæ pertinent ad utilitatem & necessitatem illius ciuitatis, non vero ad ius fisci & regalium extendi debet.

§. XII.

Quid dicendum de illa consuetudine aut lege, quæ continetur, quod mercatorum bona non ea tantum, quæ non in censum sunt relata, sed & reliqua, adeoque vniuersum patrimonium cadat in commissum: ita ut si quid mercatoris heredibus relinquatur de iisdem, id fauori & beneuolentiæ magistratus sit tribuendum? Ad consuetudinis requisita si attendimus, non profecto illud vltimum est, quod debeat esse rationabilis, lex autem iusta: quæ iustitia consistit in congruentia cum iure naturali, cum dictamine rectæ rationis, & principiis practicis. *Boeclerus Instit. polit. lib. 2. cap. 3. §. quod dictum est &c. p. m. 123.* Iam vero quis est, qui iuris naturalis esse dicat, quod reus debeat maiores ferre pœnas, quam delinquendo contraxit, criminique commissio conueniunt. Siquidem secundum delicti magnitudinem vel qualitatem pœna imponi debet: quia pœna non debet grauior esse sua causa, *L. sanciamus 22 C. de pœn. & pœna semper debet correspondere delicto L. 8 C. ad L. lul. de vi publ.* Vbi autem nulla est negligentia, ibi etiam nec pœna esse debet *Carpz. Part. 3 Const. 32 Def. 18 num. 6.* Neque res aliter se habet circa vestigalia: ibi enim tantum illæ res,

quæ vehuntur, & non professæ fuerint, incidunt in
commisum. Bertachin. de gabell. part. 9. §. ult. num.
7.

CAPVT IV.

§. I.



Hærenus actum est de delinquente merca-
tore adhuc viuo : quid si post mortem
eius adpareat, eum fraudulenter bona
retinuisse, censuique imposuisse: an hæ-
redes propterea conueniri poterunt, vt
pœnam soluant, & præstent ea, quæ com-
misit defunctus. Ita quidem videri posset, quia suc-
cessor vniuersalis (siue sit heres proprie sic dictus, i. e.
ciuilis, siue improprius, Prætorius, i. e. bonorum posses-
sor, nihil in effectu interest) repræsentat personam de-
functi, & pro vna eademque persona habetur cum de-
functo. *Novel. 48 in præfat.* Quapropter etiam actiones
in ipsum & actiue & passiue transire dicuntur : textus
clarissimi sunt in l. 37 ff. de acquir. vel omitt. hered. vbi Pom-
ponius heres, inquit, in omne ius mortui, non tantum
singularum rerum dominium succedit, cum & ea quæ in
nominibus sint, ad heredem transeant l. fin. Cod. de hered.
act. l. 13. Cod. de hered. instit. adeo vt licet hereditas sol-
uendo non sit, aduersus heredem tamen transeant actio-
nes l. 8 pr. ff. de A. vel O. H. nisi inventarium confecerit
l. fin. Cod. de iur. delib. *Novel. 1 cap. 2.* Deinde non est
dubium vllum, quod defraudatæ & a defuncto non so-
lutæ collectæ pœna ab eorum heredibus exigì possit,
ex hac ratione, quoniam neque etiam in controuersiam
venit, quod pœna commissi ordinarie ad heredem
transeat

transeat per *L. 8 in pr. ff. de publican.* ubi dicitur *fraudati vectigalis crimen ad heredem eius transmitti*: idque hanc ob causam, quia quod commissum est, statim desinit esse eius, qui deliquit, dominiumque rei vectigali acquiritur. Hinc aduersus quemuis siue heres sit, siue alius singularis successor, datur rei vindicatio. Et Bertachin. *de gabell. p. 9. & ult. num. 10 & 12 in summa*, inquit, *quemadmodum res, de quibus non est soluta gabella incidunt in commissum, & a fisco vel gabellario vendi possunt, vel vindicari etiam ab herede fraudantis mortui: ita etiam de bonis, de quibus non fuit soluta collecta, quæ solui debuerat: quam in rem quoque iura, & auctoritates adducit.*

§. II.

Verum hæc omnia nobis non accessunt negotium: est enim responsio in promitu. Quippe omnes actiones ex delicto descendentes ante litem contestatam aduersus heredes & similes successores non transeunt, sed morte delinquentis extinguuntur. §. 1 *Inst. de perpet. & tempor. action.* Et actiones in criminibus publicis, etiam si inchoatæ & coeptæ fuerint accusationes, non tamen in successores transeunt: cum crimen morte rei cum poena extinguatur *Carpzovius lib. III responsione 38 num. 23* & quia noxa caput sequitur *L. 1 §. 2 ff. de priu. del. h. e. delictum & obligatio auctorem suum sequitur. Tabor racem. crim. 10. 48.* Siue ut Bachovius id declarat *de action. Disp. V. 0. 4: qui delictum ita afficit personam delinquentis, ut extra illam, & ab ea relatio transferri & transire non possit, ne quidem in heredem, & ceteros successores: qui licet succedant in uniuersum ius defuncti adeoque in actiones passivas, tamen delictorum successores*

non efficiuntur: nec ratione delictorum propter eorum personalitatem defunctum representant, qua representatione denegata, necessario quoque negatur ius agendi contra successores. Neque etiam in priuatis delictis ad heredes transeunt pœnales actiones, etiam si aliquid ad successores peruenit. Vide plura apud Lauterbach. *disser.* Vol. I. *disp. de transiitione actionum* §. 32.

§. III.

Ad alteram obiectionem respondemus, quod illa supponat id pro certo, quod nos in dubium vocamus, & supra exposuimus, scil. quod actio commissi possit exerceri, si hoc non expresse statutum. Quare etiam illud quod superstruitur fundamentis infirmis, subsistere non potest. Et finge rem ita se habere, quod possit exerceri: nihilominus tamen secundum Dd. communem sententiam actione commissi tum demum conueniuntur heredes, si res sit commissa ipso iure, & crimen adeo notorium, ut defendi nullo modo sine colore possit: Baldus num. 7 & Feudistæ in c. imperialem §. *in super. de prohib. feud. alien.* Quam opinionem, inquit Julius Clarus de feud. quest. 65. per totum, ego sequor, si delictum esset adeo notorium & inexcusabile, quod nullo pacto negari aut defendi possit. Sed si egeris aliqua probatione, vel possis aliquo colore excusari, mihi nunquam placuit, quod possit feudum, eadem autem ratio est in reliquis, gloss. ult. & Dd. L. fin. Cod. de reu. donat., hoc casu ab heredibus reuocari: est enim valde iniquum, ut de delicto mortui, qui se defendere non potest, agatur ad præiudicium heredis, qui non deliquit. Sicque se aliquando, cum casus in factum contigisset, respondisse testatur ibidem. Quem admo-

admodum autem supra diximus, quod mercatori facilius sit, exceptionem ad se excusandum inuenire, quam alij, qui mercator non est: ita quoque heredibus mercatoris plures exceptiones in promptu erunt, quam aliorum heredibus. Quas tamen exceptiones libentius admittunt illi, qui mercaturæ gnari sunt & simul litterati, quam alij, qui negotiationes ignorant, & tantum litteris imbuti. Hisce enim si non plane impossibiles, ac certe incredibiles saltem videntur hæ exceptiones. Insuper etiam illæ exceptiones facilius cogitationibus adsequuntur, quam verbis exprimi omnes possunt.

§. IV.


Superfunt alij modi, quibus in heredes mercatoris non transit poena, licet ipso iure res in commissum cadat. Ut sunt, si quinquennium a tempore delicti effluerit. In delatis enim & commissis ob vectigal non solum, præscribitur aduersus fiscum spatium quinquennij *l. 2. Cod. de vectigal. & commiss.* Quod etiam extenditur ad alios casus, in quibus bona ipso iure fisco applicantur, veluti si ex forma statuti bona non catastata fisco sint deuoluta. Fausi ab *Aschoffenburgi Consil. pro arario consil. 42 ord. 760 conclusionem quarta p. m. 166.* Aut si refugio collectæ absque reservatione poenæ ab illis, qui publica auctoritate arario sunt præfecti, simpliciter est accepta. Quid de liberationibus datis illorum qui arario præsumunt, dicendum sit, an & postea conueniri adhuc possint mercatores aut alij ciues actione commissi, vid. *Wesemb. cit. consil.*

§. V.

Ultimo loco admonendus est B. L. quod pleraque quæ

quæ in posterioribus capitibus explicauimus, reliquis ci-
uibus etiam, suo tamen modo, possint adplicari: si qui-
dem consuetudo quoque talis sit, ut eorum bona incensa
fisco addicantur. Cæterum finem imponimus disserta-
tioni nostræ, atque Deo T. O. M. grates persoluimus de-
bitas, quod & sanitatem & vires concesserit ad hoc opus
necessarias: cuius tutelæ, me meaque omnia etiam in-
posterum commendo. Tu vero B. L. hæc, quæ a me scri-
pta sunt, benigne accipe, & si quid occurrit, quod pa-
rum accurate positum tibi videbitur, & breuitati
temporis & librorum inopiæ
tribuas velim.

F I N I S.



VA1151381